





AD  
VIRUM CLARISSIMUM  
SAMUELEM FORMEJUM  
REGIÆ SCIENTIARUM, AC LITERARUM  
ACADEMIÆ BORUSSICÆ  
SECRETARIUM PERPETUUM  
EPISTOLA.



Digitized by the Internet Archive  
in 2014

<https://archive.org/details/advirumclarissim00quir>

( III. )

V I R O C L A R I S S I M O  
S A M U E L I F O R M E J O

R E G I Æ S C I E N T I A R U M , A C L I T E R A R U M  
A C A D E M I Æ B O R U S S I C Æ  
S E C R E T A R I O P E R P E T U O

A. M. CARD. QUIRINUS  
*S. R. E. Bibliothecarius, & Episc. Brixien.*



Iteræ tuæ superiori mense Bero-  
lino exaratæ animum meum  
varie affecerunt ; delectarunt  
siquidem primo loco cujus-  
dam erga me admodum offi-  
ciosi propositi testificatione ,  
pupugerunt deinde pugnæ  
inter nos instaurandæ denuntiatio haud obscure  
consilio, ac conturbarunt tandem allato tristissimo  
nuncio . Quid enim officiosius ( ut tria ista ex or-  
dine explicem ) notitia ad me tuis illis literis per-  
lata ? nimirum Commentariorum meorum opus  
adeo humane a Te exceptum fuisse , ut eo perlecto  
illico statueris Gallici idiomatis gratia ipsum exor-  
nare , conficiendo nempe libellum , cui titulum ap-  
poneres , *Anecdotes literaires de la vie &c.* Exhibue-  
rant sese antea utique comes adversus meum illud  
opus , quantumvis tenue , Gottingensis Lycei Pro-

( IV. )

fessores, capta de illo recudendo deliberatione, uti propalam fecit in Epistola ante binas hebdomadas a me vulgata, doctissimi, celeberrimique Matthiæ Gesneri testimonium ; paremque comitatem ex una adhuc , & altera Germaniæ Academia præstolari me posse amicorum literæ aliquot mihi significarunt . At tua, Formei Clarissime , deliberatio illustriorem adhuc honorem mihi impertietur , unde me Tibi summopere devinctum profiteor . Quod spectat ad pugnam, quam visus es indixisse hisce verbis, *J'ay veu dans l'Epitre Dedicatoire de la Sixieme Decade*, Incognit. Litter. Austr. Societ. que *V. E. touche encore incidemment p. vi. nôtre Controverse sur le parallele des Reformateurs, & des Cardinaux contemporains. J'y trouve l'aveu d'un Zuin-glien, qui me paroît fait fort a la legere, & dont il seroit aisé de lui faire sentir la foiblesse, comme j'en trouverai peut etre l'occasion ;* adeo istam, inquam, pugnam non formido, ut in eandem ruere paratus omnino sim, quin castra, aciemque vel in mea Epistola ista movere decrevi . Demum nuncius , quem tristissimum dixi, ille est, quem mihi hisce verbis prodidisti, *Le batiment de l'Eglise Catholique est à peu près suspendu, faute de secours pécuniaires à ce que l'on pretend. Je ne doute pas, que le zele, & la charité des Catholiques ne levent bien tot ces obstacles.* Hisce lectis vehementissimo inde dolore perculsum me sensi ; una simul tamen ingens cupiditas me incessit publicum aliquod documentum

pro-



proferendi , unde omnes intelligant , fidem , quam publice dedi de mille aureis nummis ad augendum Templi illius decorem erogandis , a me valde religiose præstari. Quare consilium cepi, instrumentum, quo pacta fuit conventio operis, cui summam illam pecuniæ sacratam volui , literis hisce subjungendi , & ei conjungendi etiam ejusdem operis ectypon. Utinam pia hæc flamma, quam toto ego pectore percepi , postquam BENEDICTUS XIV. P. O. M. eadem incendi enixe contendit Catholicos quosvis, præcipue vero Purpuratos Romanæ Ecclesiæ Patres, ad quos de Berolinensi Templo juvando Allocutionem habuit prorsus Apostolicam , utinam , inquam , in eorundem cordibus perseveret, donec fructus sanctissimæ ejus Pontificis menti consentaneus exoriatur , Templum scilicet illud undique perfectum conspiciatur.

Venio nunc ad certamen , Teque etiam , atque etiam exoro , ne ullo modo e memoria tua excidat, quidnam fuerit quod in Epistola mea , ad Te ipsum Brixie die xxx. Dec. an. MDCCXLVIII. data, tuam quandam parenthesis refutaturus, probandum susceperim . Hoc unice fuit, Romanæ Ecclesiæ Proceres Contarenum , Polum , Sadoletum , aliosque horum Collegas , quorum prudentissimis , sanctissimisque consiliis Paulus III. innixus (quo ipso tempore adversus Apostolicam Sedem sæviret *horrendum minax flammiger Erinnis*, hæresis nempe) Christianam Remp. administravit , eos , inquam , Proceres Biblicorum studiorum amore ita flagrasse , ut

( VI. )

ea ipforum delicias, & voluptatem fuisse luce meridiana clarius innotescat. Id ego demonstravi indubiis documentis in medium allatis. Quoniam vero de hujuscemodi documentis nullum prorsus in tua nupera Epistola die xx. Apr. typis impressa, verbum fecisti, sinas, quæso, ut hic, eorundem documentorum summam breviter comprehendam, quo altius ipsa in animum tuum penetrrent. Te itaque oro, atque obtestor, ut fidem Tuam consulas, ac sincere dicas, num quidpiam amplius ab Optimatibus illis desiderari potuerit, unde de eorundem erga studia illa cupiditate certo certius constaret. Advocandusne iisdem fuerat ex longinquis regionibus qui Hebraicæ linguæ peritia excelleret? Advocarunt utique Lovanio celeberrimum Professorem Joan. Campensem. Curandumne iis erat, ut istum familiarem sibi redderent? Ita reddiderunt, ut invicem velut certaverint pro ipso singuli in contubernium suum adsciscendo. Præficine illum ipsum oportebat Academico alicui cœtui, ut, eo Magistro, Biblico nectare plurimorum animus aleretur? Id egregie præstitum in Gibertina Academia; nam de ea Hieronymus Fracastorius hæc habet ad M. Antonium Flaminium, & Galeatium Florimontium, Sodales suos,

*Dum vos fatidicos Vates, arcanaque sensa  
Volvitis, atque animum cœlesti nectare alentes,  
Alloquiis, magnoque Dei consuescitis ori,  
Felices, duce Giberto, Campense magistro &c.*

Fue-



( VII. )

Fueratne impendendum patrociniū Biblicis lucubrationibus, ut in publicam lucem prodirent? Non ii Proceres tantum, sed vel ipse Alexander Farnesius, Pontificiæ Aulæ princeps, & arbiter, suasores, & impulsores M. Antonio Flaminio se præbuerunt, ut Davidicis Psalmis interpretandis totum se dederet, utque eorundem explanationes publicaret; has vero tanti fecerunt, ut de se ipso hæc falsus fuerit idem Farnesius, ad eundem Flaminium scribens, *De Psalmis vero, Deum ipsum attestor (unde hausto spiritu te eos cecinisse ambigi non potest) nihil me adhuc legisse, quod maiorem mihi voluptatem, aut admirationem attulerit.* Ineundane videbatur consuetudo cum egregiis divinarum literarum cultoribus, quotquot degerent in Cœnobiis? Hosce Proceres illi seu lateri suo jugiter hærare peroptarunt, seu domicilium in iis ipsis Cœnobiis iidem cœperunt. Decebatne tandem ea ipsa studia ab iisdem Proceribus excoli vel inter gravissimas occupationes, quibus distringebantur, atque inter Christianæ Reip. turbamenta, quibus sedandis in manifestum discrimen vitam suam adducebant? Polus, dum in Belgio degeret in Angliam trajecturus, etsi undique Henrici Angliæ Regis insidiis appeteretur, divinis vel eo tempore literis adeo vacabat, ut de eo ita scriptum reliquerit Aloysius Priolus Venetus Patrius ejusdem Achates, *Il R<sup>mo</sup> Legato si ha tandem lasciato exorare di leggerci l'Epistole di S. Paolo alternis diebus, ed ha cominciato dalla prima a Timoteo*

( VIII. )

teo , con somma soddisfazione del Vescovo ( Giberti Episcopi Veronensis ) e di tutti noi . O quanto desidero e Voi ( Cardinalem Contarenum intelligit ) ed il nostro dabbenissimo Vescovo di Fano ( Colmum Gherium designat ) a questa santissima lezione , da questo santissimo Uomo con tanta riverenza , ed umiltà , e con tanto giudizio letta , ch'io non saprei certo desiderare meglio , nè credo che l'amore m'inganni questa volta . Idem Polus ingenti tristitia affectus ex improspere Hispanicæ Legationis successu animum suum Psalmorum lectione una cum Sodali-  
bus oblectabat , quare ad Contarenum Carpentoracti ita scribit , *Per nostra consolatione mutua ave-  
mo cominciato a conferir insieme li Salmi di quel  
gran Profeta &c.*

Hæc omnia indubiis testimoniis adstructa in Epistola illa mea , iterum Te deprecor , Formei , ut , repetita ejusdem lectione , diligentius etiam quam antea , recognoscas , ac deinde ingenue fatearis , num juste a Sectariis instaurari hodie possint acerbissima convicia , quæ eorundem Antesignani , & Magistri adversus Catholicos evomere in singulis ferme lucubrationibus suis consueverunt , perinde ac si nil nostris magis collibuisse , quam posthabitis sacrae Scripturae purissimis fontibus unice confectari inanes fallacias , profanas vocum novitates , inepta , & anilia commenta . Ad evincendam putidissimam istam calumniam , etsi testimonia illa non suppetere , satis nonne forent Procerum ipsorum  
Scrip-

( IX. )

Scripta , a quibus ( rursus fidem tuam imploro ,  
Formei ) an absint fallaciæ , novitates , & commen-  
ta , ipsemet judices , velim , an vero tota quanta  
sunt ex divinorum eloquiorum sententiis coaluisse  
comperiantur ? At quoniam potius quam ad argu-  
mentum concertationi nostræ propositum , placuit  
Tibi in Epistola tua sermonem convertere ad exag-  
gerandam Reformationis , cujus Romana Ecclesia  
indiga eo præsertim tempore foret , necessitatem ,  
scias velim , vestris hujuscemodi querimoniis res-  
ponsum a me fuisse adeo crebro , adeo valide in  
pluribus lucubrationibus meis , ut pudere debeat  
Heterodoxos eandem nœniam recantare . Accipe  
tantum quas de hac re recitavi in calce ad Feverli-  
num data die xx. Febr. 1748. Curayeri sententias in  
Præfat. ad suam Versionem Gallicam Conc. Trid.  
p. xxix. Hic ibi ita loquitur , *A l'égard de la Di-*  
*scipline il est certain qu'on y a fait un nombre d'ex-*  
*cellens Reglemens conformes à l'ancien esprit de*  
*l'Eglise , & qu'on y a remedié a quantité d'abus per-*  
*nicieux , qui regnoient impunement au paravant . Et*  
*paulo post , Tous ces desordres n'ont pas été redres-*  
*sés par le Concile . Mais si l'on en juge sans preven-*  
*tion on peut dire avec verité , qu'ils sont infiniment*  
*moindres , qu'au paravant .* Hanc ipsam Reforma-  
tionem Primates Romanæ Ecclesiæ , de quibus lo-  
quor , vehementissimo studio , antequam Concilium  
Tridentinum convocaretur , promovisse , idque ut  
Pauli III. jussibus parerent , innumeris testimoniis  
de-

depromptis ex mutuis ipsorum literis manifestissime demonstravi. Si Tu autem regeras, multo uberiorem Reformationem curandam sibi proposuisse Lutherum, Calvinum, Zuinglium &c. regeram ego, hisce adaptari posse, uti alibi facere non omisi, fabulam ab A. Gellio narratam l. XIX. c. XII. de Thracio homine, qui ruris colendi insolens, vites suas sibi omnes, & oleas detruncavit, comasque arborum lætissimas, uberrimosque vitium palmites decidit, & fruteta, atque virgulta simul omnia, pomis, frugibusque gignendis felicia, cum sentibus, & rubis purificandi agri gratia extirpavit. Quid autem (Deum immortalem!) præ Con-tareno, Polo, & Sadoletto &c. nisi Thracius homo Lutherus, Calvinus, Zuinglius, &c.?

Atque hæc sunt, quorum memoriam Tibi refrigerandam censui, ut disceptatio, quam Te suscepturum minaris, recta ad destinatum signum collimet. De Græcæ, & Hebraicæ linguæ imperitia, quam complures Lutheri opera evolventes fugillari merito posse existimarunt, nihil vides me dixisse, nihil de perditis ejusdem hominis moribus, nihil de impotentis animi effrænatione, cui obnoxium ipsum fuisse nemo negaverit, nihil de tyrannica dominatione, quam in suos sibi arrogaverat, quamque iidem refringere subinde conati sunt; nihil, inquam, dixi de omnibus hisce Lutheri intemperitiis, etsi quisvis intelligat, easdem parum idoneum hominem illum effecisse divinis eloquiis seu percipientis,



( XI. )

dis, seu explanandis. Abstini pariter ab extollendis Catholicorum Procerum, de quibus inter nos agitur, Christianis virtutibus, etsi nulla ex ipsis eisdem caruisse, ita clarum, & evidens meæ quamplurimæ lucubrationes reddiderint, ut de ea re dubitare idem prorsus sit ac in meridie cœcutire. Temperantiam hanc omnem adhibitam a me in proposito disputationi nostræ argumento pertractando ut summa Tibi lex sit æmulari, flagrantissime exopto.

Illustri Academiæ nostræ Præsidi Maupertuisio, cujus nomine salutem mihi plurimam dixisti, ut officia mea deferas, etiam, atque etiam peto, ipsique una simul gratuleris gratiam singularem, quæ eundem florere apud Regem significasti, si etenim

*Principibus placuisse Viris non ultima laus est,*

*Esse putes primam tanto placuisse Monarchæ.*


Vale.

*Brixia die XVIII. Septemb. an. MDCCXLIX.*

P. S. Prælo dum jam jam consignaturus forem extremam istam Epistolæ hujusce paginam, meas ad manus repente advolarunt ex Balthici Oceani oris Perardi Academiæ Berolinensis Socii literæ datæ die 22. Augusti proxime elapsi. Crederes ne & ipsum, pro benevolentia, qua me Sodalem suum complectitur, tecum quodammodo certasse in commendando meos illos Commentariolos? *Je les ay devorés* (hæc ejus sunt) *ils m'ont fait oublier le boire, le manger, & le sommeil.* Tribuit deinde eidem libello laudes, quas certe non promeretur, hisque propterea suppressis, tantum referam, quas ingenue honestus homo vindicare sibi potest incolumi verecundia, videlicet, *aimable enjouement,*  
*bon*

( XII. )

*bon coeur , humanité , sensibilité caractérisent ce livre la . Verba ista Perardi , tuis adjuncta , efficiunt , Formei , ut jure dici a me possit , quod appellatis bon coeur , humanité , sensibilité sedem suam una cum eximia reconditarum literarum scientia in Berolinensi Academia obtinere . Iterum vale .*



*Venezia li 18. Agosto 1749.*

Con la presente Carta di Convenzione , resta stabilito tra Monsig. Diedo Vescovo di Torcello , ed il Conte Bonhomo Algarotti ancora , per commissione di Sua Eminenza il Cardinale Querini Vescovo di Brescia , ed il Sig. Giovanni Merchiori Scultore , che il menzionato Merchiori si obbliga di rimettere a Sua Eminenza sopradetto nel termine al più di Mesi dodici , oggi principati , un Gruppo di due Statue rappresentante l'Apparizione di Nostro Signore alla Maddalena , con il loro Pedestallo , scolpitavi sopra l'Arma della Casa di Sua Eminenza , ed incisarvi quella Inscrizione , che gli verrà trasmessa ; il tutto in Marmo fino Bianco di Carrara , e secondo il Disegno prodotto dal suddetto Sig. Merchiori , e ch' incontrò tutta l'approvazione . Che le due Statue avranno di altezza Piedi 7. circa misura del Rheno , ed il Pedestallo 2. e mezzo circa misura suddetta , con quel di più ch' esprimono le misure del Disegno già spedito in Berlino , ove il detto Gruppo dev' essere trasmesso , per esser poi riposto in uno degli Altari laterali di quel nuovo Tempio Cattolico ; e finalmente che l'Opera tutta , tanto ne' principali , quanto negli accessori , verrà dall'Artefice condotta a tutta quella perfezione di lavoro , che la diligenza , e l'Arte sua saprà , e potrà ridurla . All'incontro poi promettono detti Monsig. Diedo , e Co. Algarotti , per nome di Sua Eminenza , che il Marmo tutto occorrente a dett'Opera verrà prontamente soddisfatto al sopradetto Sig. Merchiori , che avrà l'incombenza di farne la scelta a suo piacimento , e che per Mercede della scoltura gli verranno pagati Zecchini Cinquecento d'Oro , ne' Tempi , cioè una Terza parte prontamente , un' altra Terza parte da oggi a Mesi 6. purchè il Gruppo si ritrovi in allora ridotto alla metà del suo lavoro ; ed il rimanente saldo , al punto della perfezione del Gruppo medesimo . In fede di che resta la presente sottoscritta per la sua inviolabile esecuzione .

( Vincenzo Maria Diedo Vescovo di Torcello affermo .

( Bonhomo Algarotti affermo .

( Io Gio: Merchiori affermo .





*Ioan Marchiori Sculptor.*

*F.º Zucchi inc.*





